

bhuinn, agus chuir e suas a bhuird, agus chuir e sìgh a chroinn, agus thog e suas a phuill.

19 Agus sgaoil e mach am bùth os cionn a' phàilliuin, agus chuir e còmhdach a' bhùtha air os a cheann, mar a dh'aithn an Tighearna do Mhaois.

20 Agus ghabh e agus chuir e an fhianuis^a anns an àirc, agus chuir e na bataichean air an àirc, agus chuir e cathair-nàròcair air an àirc os a' ceann.

21 Agus thug e 'n àirc a sìgh do'n phàilliuin, agus chuir e suas brat a' chòmhdach, agus chòmhdach e àirc na fianuis, mar a dh'aithn an Tighearna do Mhaois.

22 Agus chuir e 'm bord ann am bùth a' choi'-thionail air taobh a' phàilliuin mu thuath, an taobh a muigh do'n roinn-brat.

23 Agus chuir e 'n t-aran ann an ordugh air, ann an lath-air an Tighearna, mar a dh'aithn an Tighearna do Mhaois.

24 Agus chuir e 'n coinnleir ann am bùth a' choi'-thionail thall fa chomhair a' bhuird, air taobh a' phàilliuin ris an àirde deas.

25 Agus las e na lòchrain ann an lathair an Tighearna, mar a dh'aithn an Tighearna do Mhaois.

26 Agus chuir e 'n altair òir ann am bùth a' choi'-thionail air beulaobh an roinn-bhrait.

27 Agus loisg e tùis chùbhraidh oirre, mar a dh'aithn an Tighearna do Mhaois.

28 Agus chuir e suas am brat^b aig dorus a' phàilliuin.

29 Agus chuir e altair na h-ìobairt-loisgte làimh re dorus pàilliuin bùtha a' choi'-thionail, agus thug e suas oirre an ìobairt-loisgte agus an tabhartas-bìdh, mar a dh'aithn an Tighearna do Mhaois.

30 Agus chuir e 'n soitheach-ionnlaid eadar bùth a' choi'-thionail agus an altair, agus chuir e uisge ann, a dh'ionnlaid leis.

31 Agus dh'ionnail Maois, agus Aaron, agus a mhic, an lamhan agus an cosan aige.

32 Anuair a bha iad gu dol a sìgh do bhùth a' choi'-thionail, agus gu teachd am fagus do'n altair, dh'ionnail siad iad féin, mar a dh'aithn an Tighearna do Mhaois.

33 Agus chuir e suas a' chùirt timchioll a' phàilliuin agus na h-altarach, agus chuir e suas brat geataidh na cùirte: mar sin chrìochnaich Maois an obair.

34 'An sin chòmhdach neul bùth a' choi'-thionail, agus lion glòir an Tighearn am pàilliuin.

35 Agus cha b'urradh Maois dol a sìgh do bhùth a' choi'-thionail, a chionn gu'n do ghabh an neul còmhnuidh air, agus gu'n do lion glòir an Tighearn am pàilliuin.

36 Agus an uair a dh'éirich an neul suas o mhullach a' phàilliuin, chaidh clann Israeil air an aghaidh 'nan uile thurusaibh:

37 Ach mur d'éirich an neul suas, 'an sin cha do thriall iad agus an là 'fan d'éirich e suas:

38 Oir bha neul an Tighearn air a' phàilliuin 'fan là, agus bha teine air 'fan oidhche, ann an fealladh thighe Israeil uile, air feadh an uile thurufa.

LEBHTICUS

^a an teistias. ^b an còmhdach.